

O'zbekiston Respublikasi Prezidenti Rossiya Davlat Dumasi Raisi bilan uchrashuv o'tkazdi



O'zbekiston Respublikasi Prezidenti Shavkat Mirziyoyev 28-noyabr kuni Rossiya Federatsiyasi Federal Majlisi Davlat Dumasi Raisi Vyacheslav Volodin boshchiligidagi Rossiya parlament delegatsiyasini qabul qildi.

Uchrashuv avvalida Vyacheslav Volodin davlatimiz rahbariga Rossiya Federatsiyasi Prezidenti Vladimir Putinning salomi va eng ezgu tilaklarini yetkazdi.

O'zbekiston va Rossiya o'rtasidagi keng qamrovli strategik sheriklik va ittifoqchilik munosabatlarini yanada chuqurlashtirish, siyosiy, savdo-iqtisodiy va madaniy-gumanitar sohalardagi hamkorlikni rivojlantirish masalalari muhokama qilindi.

Keyingi yillarda parlamentlararo muloqotlar jadal sur'at kasb etgani, O'zbekiston va Rossiya hududlarida yangi formatdagi - ikki mamlakat parlamentlarining palata va qo'mitalari rahbarlari darajasida uchrashuvlar o'tkazish amaliyoti joriy qilingani alohida qayd etildi.

Yangi tashkil etilgan Hamkorlik bo'yicha parlamentlararo komissiya faoliyati ikki tomonlama aloqalarni yanada mustahkamlash hamda qonunchilik faoliyatini tashkil etish sohasida tajriba almashishni kengaytirishga xizmat qilishi ta'kidlandi.

Iqtisodiy hamkorlikning ijobiy natijalari mamnuniyat bilan qayd etildi. Joriy yilning boshidan buyon ikki tomonlama tovar ayirboshlash uchdan birga oshdi.

Rossiya investitsiyalarini jalb qilgan holda O'zbekistonda neft-gaz, energetika, kon-metallurgiya, qishloq xo'jaligi tarmoqlarida qo'shma loyihalar muvaffaqiyatli amalga oshirilmoqda. Ikki mamlakat hududlari o'rtasida ishblarmonlik aloqalari izchil kengayib bormoqda.

Madaniy-gumanitar yo'nalishda, eng avvalo, oliy va o'rta ta'lim hamda turizm sohaslarida samarali

hamkorlik rivojlantirilmoqda.

Rossiya delegatsiyasi a'zolari O'zbekistonda amalga oshirilayotgan islohotlar jarayonida ijtimoiy-iqtisodiy rivojlanish, yoshlar tarbiyasi, sog'liqni saqlash salohiyatini oshirish, shahar va qishloqlar infratuzilmasini modernizatsiya qilish borasida ro'y bergan o'zgarishlarni yuksak baholadi.

Manba